



DUNIYAA DOOBAALU BEE LA KELEDOOKUU LUŊO KIDIMANDOO

CNCR DOOBAALU LA KUMOO



Ntelu minnu be luŋ woo luŋ baaroo la, ka nna bankoo moolu buluundi...

- N ŋa feŋjolu hameŋ dookuu le doronŋ.
- N naata kafu kuroolu loondi ñiŋ saŋ dantannu kono minnu se loo n too la aniy i se dookuo ke baluo yiriwaandoo kanma aniy fanay ka ñiŋ dookuu buloolu baluundi : senoo, malayaandiroo, jalafayoo, sutudookuo, ñaamoo niŋ fuloori dookuo.
- Ñiŋ dookuu siloolu kono, n ŋa dookuo ke i fannaalu bee kono le, hake nna doofeŋo se buyi aniy fanay moolu se i saŋ noo.
- N be n na seewoo yita la nŋa dookuu betoo miŋ ke.

Ntelu, senegaali doobaalu, musu kafu kee...

- N be a yita bee la, ko nna kafu kuroolu maŋ deŋ politiki kuru la.
- N be ñiŋ ne sio to, nna ñiŋ kuroolu la loo to (doobaa kuroolu, teesiti kuroolu, kafu kuru baalu) aniy « CNCR » kuroo, ka Senegaali mansakundaa la mutankuolu muta a fee julaa la fanfan minnu be nna baluuña sooneeyaandi la aniy ka n na balaŋo yita a la ala dookuolu minnu be nna ñaatotaa naasindi la waraŋ minnu be n na baluu dookuu daalu burunkandi la.
- N be ñiŋ keebaaroolu siindi la nna kuroolu ma, ye i teo siti, kanbeŋo keta saritoolu minnu to, fo i loota aduŋ i be senoo, sutoo baluundi niŋ malayaandoo tilindi luwaa kono, i saritoolu maŋ ke kuu keeriŋolu hani bii, kaatu i maŋ i kuolu taamandi hani saayiŋ.
- N be wuuri mansa kunna, fo kanbeŋo keta kuolu minnu to aduŋ i be senoo, sutoo baluundi niŋ malayaandoo tilindi luwaa kono, Senegaali la dipiteelu la dookuu dulaa bundaa ye miŋ wotee kabiriŋ saŋ 2004 kono, i sariti kuolu ye taamandi baŋ.
- N be bula la i sariti kuolu taamandoo ma, fo i se ke kuu keeriŋolu ti.
- N be miŋ daani la fanay, kaccaa se kili sariti kumakaŋolu kunna n niŋ moo doolu teema kataa fanay doobaa kuroolu, janniŋ i be yita la bankoo bee la.

Ntelu doobaalu, musu kafu kee, ntelu minnu niŋ bankoo moo jamaa mu...

- N be ñiŋ banbandi la moolu ma, santotoo musoolu niŋ i kanbaanoolu daa se bulundi poroosee loondi dookuo niŋ a taamandoo kono.
- N hanmoo ka dookuu beŋolu kili wo saritoolu kunna, musoolu niŋ kanbaanoolu se maabee daamiŋ ko keolu.
- Ka ñiŋ banbandi koteke, fo mansakundaa niŋ doobaa kuroolu se kara kaccaa waati niŋ waati doobaa musoolu niŋ a keolu lafinna kuolu to.
- N se labay ñiŋ fo la, ko siloo ye ñiŋ dii n na le aniy fanay n keebaaroo le mu, n na bankoo miŋ mu Senegaali ti, ka kuu betoo ŋaniya a ye, ka kanta kuolu la, ka i tu ñaajaa to, ka kanta fanfan doobaa la baluu kuolu la aniy a la kaabila dookuu buloolu la ñaatotaa la.

